

四庫全書

集部

欽定四庫全書

演山集卷三

宋 黃裳 撰

古詩

寄隱者

守道送高士築室齊東鄙  
植竹看歲寒種田助形委  
束書捐古今抱易究生死  
不以外移內不以行責止  
九十留童顏湖山飽清視  
或顧先生云時平可以起  
先生本無求棄置如弊屣  
俄聞與物化精一未嘗毀  
汗簡書逸

民義風洗貪士東望呈肺肝遙瀉一卮水

送陳知縣

握手州東花開時瀉酒胃中如漏卮各無官守竟信意  
坐間只有春相隨十年睽遠何所得但悟世情能守一

昨日小軒君不遊荷葉雨聲池上秋

昨日約集節道舊  
小軒爽約俄風雨

至如見  
秋色

明珠得喪百萬斛何慮炎蒸金欲流一樽獨對

清都夢可憐幽思無人共今日聞君馬已西不覺毫端  
得詩諷汝陽縣長多清風壺中有客當相送

費長房挂  
壺木今在

汝州

和張仲時次歐陽文公覽李白集之韻

紫微所拱皆仙官開元無事長庚閒偶緣一念來人間  
詩才到白誠無難英華峻發根自天春空藹藹飛翔煙  
雲濤雪浪滄溟喧四面滔滔朝白川重與論文不須細  
且貴胷襟寫來易易中自有驚人詞繩墨空高何足貴  
苦談杜甫峻談李文人相輕古如此始惟通道繼而醉  
萬事紛紛寧復記三人分散難為攀夢魂應覺星躔寒

乃與月影同交歡豈有俗態趨人寰若在真府如同家  
瓊丹我已修河車仙源將果蟠桃花安知不共遊烟霞  
便看琪園越三島休羨垂楊與芳草

覽武夷記

武夷山中十三子邂逅相尋良有以頃向上筵何事醉  
一時謫在人間世八百年後還升真武夷真君真主人  
天台有籍安得知不謁子騫誰與祈紫雲中下龍潭雨  
尤喜張仙好詩句

十三子之所自及其會遇發明相與  
修蘊還元返本皆因緣始濟其事

結交

道義出君子勢利通小人有無故所自甘淡交所因離  
合見難易情文生偽真聖主審所任禍福延吾民賢士  
慎汝擇利害歸吾身公患勢利強私患朋黨親邪正若  
弗辨安危難復陳

留題琴軒

軒閣競華麗誰肯厭絲管豪華既交歡盛麗亦同翫鳴  
絃雖侑觴惟宜素纖按聲色方爭高耳目及中亂古意

始興懷曲終情已換黃子尋天真開軒名以琴問琴意  
何在答以琴為心我願聽以目與子為知音無絃之琴  
聲無聲世間此曲今何人

讀羅隱孟郊集

羅隱寓以罵孟郊鳴其窮始讀鬱吾氣再味濡我胃如  
何志與氣發作餅甕中大見無賢愚大樂非窮通棄置  
二子集追攀千古風中兼六義異下與萬物同妙象生  
丹青利器資陶鎔心手適相遇變化從色空感寓復收

斂兀然無我翁

答仲時高軒小酌之什

韓公浩浩樂文字乃笑紅裙醉豪子張侯切切務高潔

亦鄙雙鬟獻回雪

仲時詩有雙鬟歌舞退之  
不醉紅裙與憐高潔之句

東野先生

窮且愁蚯蚓竅中煎百憂

仲時有東野清苦句

北舍主人貧亦歡

典衣取酒更未闌悲愁傷氣豈足尚揀擇害道非所安

空色皆無適相遇袞袞百年誰自苦太平功業時可為

萬丈虹蜺不須吐

仲時詩有太平功業屬男  
兒虹蜺萬丈雲中氣之句

一源湛湛



吾忘情四人毀譽浮漚生

仲時詩有一源湛湛攀清  
疏今日樽前逢一笑之句

送駱君歸隱廬阜

究竟此生安可逃  
淨土社中風最高  
紛紛一夢喚不覺  
袞袞白頭流落多  
駱子飄然去  
尤早寒堂誓結廬  
山草

寸陰早在精進中  
四十司徒未為老

事見惠遠  
答王道書

黃紙除

書無此期

黃紙除書見白公草堂詩駱君  
築室廬山待盡而已無仕路意

只為松雲動

幽抱世人發願多  
自欺十八逸民今友誰

遊東山大乘寺

奔逸高真避秦侶，遠入閩山豈惟楚。  
落花流水來何處，遂鹿人從石門路。  
遂造洞門誰得知，雞黍生涯貫今古。  
樵客見留何事去，分合隨緣落塵土。  
回頭已在塵勞中，手把榴花如寐寤。  
紫元素抱超然情，到此令人心骨清。  
閒跂長林跨深壑，遙見猿鶴來相迎。  
靈源為我寫幽思，但聞歷歷朱絃鳴。  
獅子峯前狐退藏，當泯頑空還混茫。  
龍首澗邊雲并合，或作人間時雨行。  
杜鵑有聲山意真，杜鵑有花山色明。  
偶逢竒石可且坐，幸乘此境聊飛觥。

顧語娉婷莫予翼，脚力猶爭年少輕。  
三盃通道聊自適，還被谷風吹勿醒。  
忽忽流光已云暮，紅燭如林樂聲舉。

題桃花菊

人面亦相映，龍山應獨賞。  
却因清淡中，艷異尤堪尚。  
靖節籬下吟，幽懷忽馳想。  
武林溪上遊，芳容若迎望。  
妙本自無二，佳名誰有兩。  
辨事惟賴香，根蒂豈容妄。

題水雲村

水雲深處尋幽客，競把銀餅飛虎珀。  
坐間玉篆流盃來。

時伴堯花獻春色塵勞不到清樽前何幸山翁設歌席  
人在夕陽方醉時回首雲迷武陵宅

送方彥稽解元

壺公山下多偉人嘗謂方寸無纖塵雙眼孤雲在霄漢  
俯視燕雀尤有神兩冠羣英出微妙失第春官恬自笑  
歸去壺公山下遊長鬚肩上何所憂遠煙萬劑實行橐  
置此雅好吾無求松軒日午片石冰水中天小雲油油  
時復窺影且自遣毫末造化通春秋可能含蓄南國意

洗我滯思如清流方握齊紉却新暑明月團團滿窠宇  
馬上塵沙搖不開空羨江湖鷺輕舉勿因世俗還低頭  
義理所在無今古生死只繫簞豆中誰為萬鍾移出處  
六翮冲天觀一飛所養先須微賤時

道倫竹閣

曾看孤山翠微麓回環閣下千莖竹醉吟先生唐室賢  
灑落情懷出流俗赤城德士攀高風特借嘉名榜山腹  
雪霜難犯為心虛直節凌雲聳蒼玉月華弄影無纖塵

合有丹霄鳳來宿趙州庭栢如已知掃却閒言且觀獨  
九年當作無生遊慎勿窺紅墮私欲况是天台掌仙籙  
煉礦成金石龍谷落花流水好尋真豈特蕭蕭閣前綠

曲水亭

盤龍偃蹇吸長澗數篆寒光來向人誰信雲門有仙子  
灑落恐是華筵賓落英俄逐酒船到世間乃得漁溪春  
素纖舉盞寧可却清光聊滌胸中塵

覽和靖章安西湖之什

和靖苦而豪章安平而麗馳情遶佳景盈軸卷幽思二  
子各何往人非物還是四時有行藏彼物如郵置百年  
有死生斯人如夢寐兩幻相追攀一覺都廢棄感寓聊  
自娛興盡娛亦弊安坐湖山間誰能以數計

送人赴官秘閣

經行當年已充賦却逐鹿官走塵土百年牛刀未甘弄  
况有文章自當貢屢扣天閭出竒語落筆紛紛動堯禹  
雪天得職懷抱清道山入局憂慮寧今也無慙故鄉舉

幽閒更有登真路，惟我曾遊今已古。想見朋從散還聚，  
豈事塗改如排牙。忽落鉛刀得依據，常笑蠹魚乾自忙。  
正似求生轍中鮒，學海無從今幾年。謾惜公家費毫楮，  
春芽竟好清晝深。石鼎蠅聲遶庭戶，恍然似揖前朝人。  
高下圖書迓青顧，養才此地良有因。入關誰醒靜方悟，  
要使中虛心鑑明。乃欲他時照紛遽，名利人人情正炎。  
我抱天君獨為主，設官之意非徒然。君思可報唯心淵，  
案牒相忘花字間。養心乃在雲日邊，佳氣葱葱指歸處。



頓覺身輕如插羽，扁舟莫怯霜華濃。已有東風送君去。

題卧陶軒

不為形役心方縱，乘化悠悠豈須控。歸去來兮歸自公。  
北窻高卧南來風，吹我飄飄骨毛聳。恐是洪濤侵清夢。

八月仙槎偶相送，寥廓孤飛與誰共。

無咎夢乘扁舟泛海波濤在舟之上

舟行如飛仰視天漢星辰甚明因得句云短棹孤飛誇寥廓洪濤高卧看星辰

天機不逐纖塵

動折腰五斗，非君俸。靜挂山圖探遙趣，閒眄庭柯薦幽  
哢。君置絃徽，貽我聲我遺耳目。知君情相知之流樂如

是五柳鳴蜩謾如沸

初夏書呈同舍

萬種浮華春事了誰供青帳千林曉雨集池塘螻蝻鳴  
蝸牛已過銀鈎橫貼水圓荷蓋猶小覽鏡美人音耗悄  
行看天上竒峯生莫放塵緣空擾擾何處亭臺公外期  
共立薰風臨渺渺

暑中喜雨

小雨破炎熾滿懷貯清爽忽御兩腋風太虛一登賞

重九遣興

佳節嘆短晷清爽愜幽抱  
新故遽相代意思幸長好  
百年如秋時行行越中道  
重九雖百回半百已云過  
雲液傾新醕籬花摘靈草  
但約金卮空何愁玉山倒  
且趁馬臺遊莫管龍山帽

雙源六題

水閣

水閣上襟帶水光浮丹桂  
月來天漢夜白蘋風起洞庭

秋塵勞人袞袞瀟灑與誰遊

釣磯

釣磯上閒適向金鱗秋後江邊思膾客古來溪上得璜  
人尋幽尋至此聊寄自由身

澄心堂

澄心堂上閒來客水與心同誰見得微風不過波瀾休  
無礙空中秋月白

濯纓堂

濯纓之水山幽幽本來似鑑無庸流到此令人肝膽醒  
滌除萬類開襟靈一源莫誤登臨目紛紛世上紅塵足

重蓮軒

宛轉雙源花在處花葉重重瑞炎暑日光相照鉛華鮮  
翠蓋紛紛擁紅女不貪青子老芳容薰風偷出香無數  
乃知源上有神仙何必天桃隨水去

日休亭

分外鑿和智役役壯且老此生本自然何者削窳我止

水觀而心運用無不可玉液靜中味萬累門外過時復  
一盃酒聊用沃心火

三十一  
人  
二  
三

卷三

演山集卷三

欽定四庫全書

演山集卷四

宋 黃裳 撰

古詩

寄卧雲先生

卧雲先生由內觀，謂使妻子忘我難。顧予且不自有父

安得有汝為悲歡。

君方致道之時，忍情割愛以絕累為急。其子訪而得之，君曰：吾且不自有。

父安得有子哉？忽逃而去，其子復失所在。武林溪上乃所寄，今且幾歲無往。

還源頭流水去，復落落花續紛。春屢殘，秦人漢世不須



問寂然自在桃花灣嵩嶽遊人忽相逐羣碧插空三十  
六漁人不見空懷想路迷山口今誰訪幾時行幾時歸  
本無行止吾何疑豈將眼力隨塵機行亦可歸亦可長  
沮桀溺非通道此生未必山中老

五祖長老惠竹簞

六月如蒸火方老三伏炎炎撓清抱間中雨汗林未悄  
忽得禪師祖山耗笛材未許龍鳳吟却織雙紋愜高卧  
卷進西來尤是時乃似烏薪雪天到長鬚為我掃幽榻

數尺漣漪細風過謾入祖山何所聞但覺雷聲肅愴墮  
欲酬此意知未能且學文公贈相好

贈方外士

擾擾紅塵高臥客紅塵不染人難識琅琅為講還丹篇  
若有清風濯曾臆玉兔走入流珠宮正向時人失中得  
根本蓋自仙翁傳仙翁住世千餘年

贈崔風子

崔風不風人莫測只恐時人問消息子聞妙道今幾年

百刻光陰貫今昔天柱峯頭獨看月火裏青龍產茅雪  
屋上無霜春勢強十二危樓電光徹劍潭居士心相從  
何時遂扣逍遙翁自知心骨異凡物豈願老死浮生中

貽李道士

道士無來鶴衣白無事猖狂走南北偶得秘訣烟霞間  
鬼谷先生眼睛碧謂我當接王公談且與天庭二分術  
儻來已感仙翁靈占夢夢中宜自驚妙光照物乃是道  
結廬歸去南山青

琴軒 并序

以琴名軒琴不與焉學忘形聲者也心無所事乎  
機手無所事乎巧妙音幽韻本于無何有之鄉山  
泉泠泠松風瀟瀟湘江月明萬籟合于太虛莫能  
感而對之黃君勉哉窒欲以虛其心滅學以空其  
性將進于是則予之遊是軒也當以非耳聽焉因  
書昔年次人憶琴之什以為贈云

聲音求我皆邪道有琴可聽非深造無絃絃上聲無聲

世間此曲今何人

仙會樓

金碧崢嶸演山脚合有雲駢下寥廓自嗟本是煙霞翁  
一念人間已知錯聞說樓成歸思濃想見羣真多綽約  
水虎火龍方得傳看破浮生豈能縛夜深時獨倚欄干  
誰見金花當面落此道既與羣真同雖隔霄壤常相通  
演客千載無遺蹤停聞杖履來相從

讀王黃州遊官篇

感義區區謀國士竟為升平模稜子抗章言事來去忙  
左提右挈歸之理見姓書名安且榮寧問賢愚落青史  
隱居到此當忘言對月且倒無憂罇

積雪

能積又能忘時高又時低圭壁隨所寓陵谷豈可齊夷  
坦掩曲徑勿使狐生疑光明破宿靄勿使雞求棲在臆  
方得時此意非爾知知我為餘寒不知為繁禧

交遊

率爾相會遇欣然同醉吟意外談笑易胃中矛戟深契  
合好甘醴聽聞嫌正音交結自此始勿頸當知心

疇程忠彥見寄

新吟走長鬚喜鶴鳴高枝邂逅固有分非人所能期對  
坐俯寒壁得子尤相宜

進取俄比肩歡笑亦傾蓋一夢長相尋尋子江天外子  
來慰所思苦吟疇適會

京塵化我衣吳風變子語二人還相逢道在無今古薰

澤何所為本無緇與素

儒林小官冷僕馬畧勝步素竹園中遊青眼勞一顧孰  
與歐廬間間雲自來去

側承雙簫聲自作天籟鳴聳耳願一聽使我冷然清誰

云吳儂音能變中正情

忠彥云薄遊歐廬間中  
性易流輒作吳儂語格

### 送紀教授

名利場中化君子偶得延平二高士王子好談兼好行  
行如不及談如傾

王子道原節推  
為人甚似克甫

此生根蒂果安在寧



復計校枯與榮紀子忘知更忘說行所當然孰云別坐  
間自有雷霆聲何事區區論標月二子躬行人所稀但  
恐東野無人隨香爐峯前幾時過興龍禪師故鄉老草  
堂夜話燈影寒瞬息春風我先到

貽儒生

含章緣俊雅發理自聰明德行孔庭秀公卿唐毅英博  
嫌愚作樊文恐偽為情御世教方盛動人風更清反三  
雖稍悟得一豈須驚竟寘伊周列難忘齊魯生

儒方困  
于談理

而悟禪語有逃儒  
而歸釋此其弊也

### 送公表判官解官南歸

汚吏物勝志俗吏勢勝義志義不可勝勢物如脫屣古  
云士大夫此道既墜地俯首拾蹴與仰視忽高致仕塗  
無清風大望失所寄志士獨懷古義氣已屢喟從事彭  
城公不求亦不忤接下斷驕簡清慎遣外累三載日猶  
短六計滿物議薦童何所歸見故乃虛器得喪固有命  
失士豈無愧顧我眼力壯古貌入青視方恨相得晚笑

語未獲醉官滿不可留年華促歸計雨後雲既收日上  
春已至雙水勢愈活南注飛不洎兩山夾長流稍稍有  
青意此景送君何處遊荔枝林下維扁舟窮通身外不  
足念醉吟可寫塵中憂至誠所與暫睽遠時復一噫聊  
相求

贈謝殿元

風自東山吹厥後義重生輕公所有懷抱應書霜雪明  
一封十事龍鱗輕青雲失志蕢無悔且喜歲寒柯未改

名節稍從言路愛待向烏臺觀慷慨

東湖留題

雲門館

冥冥出世既云往急急度人還復來會當為物落城市  
誰探北扉開未開下視東秦在諸掌一念已到非蓬萊  
與子邂逅固有分况是胷臆無纖埃

鷺下亭

白鷺下遙水青銅絕纖埃窺魚風色定移渚客聲來事

倬明明遣樽臨渺渺開靜憐閒意好為過夕陽回

釣璜臺

想見海濱老坐觀臺畔清一綸聊自適萬戶本無情魚  
躍心機靜鷹閒世事平行藏天意在千古跂功名

駐興橋

方上大黿背俄生五湖心急急急遊此道擾擾休相尋

步虛橋

俯仰是天漢陟降非世路常聞步虛詞時聳採蓮女

鴛鴦渚

江海風波外陰陽化育中相隨還戢翼得性渚西東

鴻鴈渚

兼忘物我翫鷗客自得行藏遵渚鴻看破眼前人與物

紫元翁在小橋東

翫鷗亭

水面浮沈聊自適人心得喪便相疑徘徊聽我樽前唱  
莫道機忘了不知

意息機乃息人忘鷗亦忘道遙方自得邂逅豈相妨靜  
見水天濶間知春日長浮沈無一累誰更問行藏

綠巖亭

半巖亭勢俯漣漪北顧尤宜鷺下時終是謫仙風思好

無情常與月相期

永結無情遊相  
期綠巖畔故云

歌豐堂

禮樂看公暇陰陽報歲豐四時當共樂一氣已相通歡  
笑壺天上清虛色界中可歸猶待月未放曲聲終可喜

年豐自忙少豈特明明得歡笑三樂光陰誰與知但向  
魯詩尋政要

醉歸亭

醉舞既成樂醉歸還有儀漣漪間自闕渾沌有誰知噦  
噦鸞鳴處振振鸞起時忘歸忘未得方釋魯公詩

水鑑亭

蘋藻風初定鸞鳳匣已開有時開妙象無處拂纖埃樂  
共人世到醉從天漢回不知誰作記寥廓卧樓臺



竹林齋

桃溪出世境竹林居士鄉中虛秘天韻外直凌秋霜靜  
久世味淡翠深人意涼觸目多俗物見君何日忘

湘江亭

休論湘江偽與真楚花窺影玉霄春琴聲如鼓如妃子  
豈意相投似故人

桃溪庵

灼灼芳意開涓涓朱絃鳴晴光發清淺翠華相合并寒

溪通遊徑清盃得落英且慰浮生勞勿念聞名輕桃溪  
日日流弗止何獨行桃花年年開既落還復榮昔聞避  
世士有物應混成不行亦不止不死亦不生祇聞莊學  
羨俄失何必驚此語誰可解住庵如登瀛

贈周生

周生能以幽意一寫于琴書相去阻修未及親見  
而聽之然其身居市廛而能獨遊形聲之間務造  
象意之表亦足佳者貽之詩云

山峯山下無塵客，方寸有能人未識。  
風吹山水意飄飄，月照市廛機寂寂。  
將使居人聞此聲，既澄世慮虛生白。  
英華滿軸非春能，銀鈎更有千鈞力。  
忽然欲運胷中竒，一揮時落雲間壁。  
何當便跨圖南鵬，聲意相尋七峯側。

經遊涪澹留題澄寂軒

涪澹險恠士氣馬如狂，濤趨蹶日萬變。  
風石常相遭，浮沈有命在險易。  
如人何此景，稍稍遠十里無橫波。  
劍潭澄寂客注酌，無喪得狂心。  
到此闌觀水，還無觀澹光中。

夜靜銀色滿襟寒謾對浮屠笑若心應了了莫看灘上  
湧但取潭中照



演山集卷四

欽定四庫全書

集部

演山集卷五至八

詳校官庶吉士臣吳烜

侍讀臣孫球覆勘

覆校官中書臣王慶長

校對官主簿臣汪日贊

謄錄監生臣唐作梅

欽定四庫全書

演山集卷五

宋 黃裳 撰

歌行

昭君行

良家有子惠而秀昔在漢宮誰更有入宮見妬名不傳  
咫尺君王望恩久柰何賦分薄如人却屬畫工為好醜  
千金買笑那敢當無賂應嗟落人後俄聞召見喜且驚  
自以閒雅闕文輕將謂君王必回顧行且遂承恩與榮

權兼天下失所制女子未免匈奴行此身既係國休戚  
君王雖悔難復更雪怨雲愁竟何語自小誰知北征苦  
既知中華棲上清乃托胡人為死生平居悵望一成夢  
用僚遐荒尋去程胷前但殞默默淚門外已抗悠悠旌  
轅馬悲鳴日云遠行經幾處單于城平沙莽莽春不青  
頑陰漫漫天不明隨無鴛鴦歡悅情送有琵琶哀怨聲  
大抵言意非吾類眷眷向前愁益并寧落家鄉作孀婦  
焉用閼氏尊予名人惟適性乃有樂未必膏梁勝藜藿



當時將相若為策豈意安邊用顏色君雖不幸功可稱  
莫道佳人只傾國思歸曲在人已非青塚空悲塞南客

鷺子樓

眇眇初歸樓上時想如鷺子長雙飛有才將色世間少  
况復節義猶堪依將軍一去十餘載玉簫瑤琴無心解  
豈不能死空相隨以色累公非所知白老曾為賦詩客  
風裊花枝醉無力後會勲郎漢陽驛因語歔歔已成昔  
走筆還賡美人句猶感白楊堪作柱我來登賞非唐人

尚引多情聊愴神  
人生真盡皆為塵  
百年一餉難留春  
高樓人散誰復親  
只有燕子年年新

春日寄友人

青春可愛如才華  
使人詩思如楊花  
飄然去來不可繫  
又似春雲靄然起  
惟人適性而樂生  
子雲閉戶非其情  
亦曾郊上為遊人  
兩袖香風雙眼明  
葉下鶯鶯兒女語  
聲聲似喚遊人住  
忽覩狂蝶過他枝  
一帶深黃又飛去  
倒樽取醉花枝側  
我是主人春是客  
胷中不貯世俗事

酒力相攻易相失青銅二百慙予慳乃至解佩窮清歡  
萬事亨途誰滿意百年生計自開顏樽前兀兀坐者誰  
頽然醉倒春風間歌者自歌舞者舞塵機不動天真閒  
呼童伸牋走吟筆醉字欹斜不能立楚狂韓子傾餘才  
感春章句如花開兕觥入光滔滔瀉此後搔毫如駿馬  
數子苦醉如分飛夕陽含山空翠微乃自由肱卧芳草  
蝴蝶與周何所疑紅杏風來吹我起黃梁成飯還多時  
醉亦如醒夢如覺勿于四者分毫釐聊與物化天地中

願君與我閒相從  
郊上之遊速為報  
春風欲放桃花老

中秋月

秋客瘦秋聲寂  
浮雲散盡霜宇寒  
未見踈星點空碧  
升自東方人望濃  
十二回圓喜今夕  
窺澄江開暗室  
閃閃金銀動宮闕  
森森冷雪排劍戟  
秋氣清秋色白  
六陰中處金權高  
清白合并成此魄  
玉兔搗藥將何為  
應造神丹送仙伯  
乘興高人無定筵  
瓊步徘徊未須急  
金波汗漫清人神  
桂華飄渺明人衣  
邀月已作明年期  
月是人

非寧復悲倒盡芳樽卧清影休問醉翁歸未歸是非今古乃常理此情莫落霜娥耳

送王慎中

慎中所謂黜聰明墮肢體者也熙寧乙卯予得之于闕中方世慮盤旋于胷中未能忘者久之及見慎中遂忘鄙懷慎中日一飯男女之深情酒肉之厚味天為之戒焉非其強絕之也非善不欲而其心常清非理不為而其形常靜非其挽引而後至

也然而予何敢望君哉君之化也其世緣其息歟  
不然為一念而墮者邪以親老之養求薦於有司  
及試禮部下第浩然為歸休之計以謂養之至者  
以其所以養而已必待有祿而後致焉是亦懸也  
予之歸也買地數十畝種蔬植木以具甘旨則予  
之為方外遊足矣然而君之去也豈為翫山水者  
耶後此江南之譽有稱隱君子者行乎萬物之上  
而不可幾及焉者是必慎中也慎中非求人知者

也故予作詩以序其行庶乎讀予詩者求與之遊  
而又知予之不擅有其益者也

為貧為仕我與君失意以歸南北雲豈把去留論適莫  
豈因得喪悲離合人是人非春覺夢物來物去花開落  
攀緣一斷六塵空緣至乃施無斧鑿不求脫不與縛君  
期萬法無憂樂不可減不可增君期一性無虧成世人  
墮埴誰知已不怨不知知不喜塵縈嘗與衆凡悲流轉  
域中而已矣君之入道人不知不得已事君不為天然

淡薄日一飯心機不用如嬰兒聞其風者少當愧此道  
亦更清于夷君歸休白心碧眼非庸流內觀無物四肢  
墮性天虛闊陰雲收君歸去曉猿夜鶴無尋處爐中靈  
藥果誰傳林下老人終共語何時我向江邊來相從方  
外幽懷開長願為雲逐東野莫教風思生塵埃

再遊普光寺

春來時春紅照我銜清盃老僧樸野自合道只從一笑  
忘形骸秋時到詩翁清瘦秋容老吟詩興盡可以歸一



雨巖前却初過勞生自適能幾人白雲流水誰相親黃  
金滿屋莫使悟悟便輸他方外春

中秋日賓興宴

九十秋光今夜景銀色界中秋意靜獻賢時入帝王州  
鼓瑟筵開山水境西風勁衫袖冷遙度天香到酒邊中  
有醉翁吹復醒徘徊態凌亂影急須行樂慰勞生相得  
相忘無食頃姮娥信諸生聽一年人愛此回圓十分仙  
桂都開盡自有清光隨我身遊寶蠟何須秉明年誰是

奪標人史君推轂今何幸

贈天台禪鑒

逸興東西自難卜快可追風白花足巾飄飄菘菹菹每  
引三盃通道瓢即陳一闕離塵曲獨忘懷人注目恐是  
秦漁來混俗落花流水難拘束幾度桃花春又復戲翫  
人生榮與辱石火光中寄此生故山休問歸遲速東秦  
別後無行蹤忽見回轅自西蜀二十光陰一轉頭新白  
已能班舊綠偶懷起滅寒生粟蓋亦超然坐觀獨便望

雲山歸去來無生之師在巖谷由禪而入從真修休效  
諸山編語錄如來藏裏磨尼珠走上玉爐光斷續螺髻  
明鵲巢驚向死生中脫死生象罔得之方始靈掃除物  
我雙何有懷抱乾坤一混成十三位上窺憂喜正法眼  
開無處避是時人道真仙子方尚圖中舊行止

通道歌吟

通道三孟太和好已同五氣誰能到漸造醉鄉方自然  
忽體杳冥如得道坐上一時能兩忘萬緣既斷非吾我

須期有物渾成時  
先自醉鄉聊得耗  
若從太定真相逢  
含盡三才是懷抱  
道方喪物無間愁  
休管垂楊與芳草

天遊天樂皆出于道道與物交  
相喪徇世則喪道徇道則喪世  
感懷偶向桃溪路  
落落

流水年年去仙家  
日月無古今此景示人人  
不悟青衣為我折  
幽芳待插陶中訪  
真侶笑而迎寂而處  
五行自是無尋處  
空將日用怨春風  
日用烏能離得數  
但明結果自然成  
到了無生無一句  
聖賢絕口自難言  
愚衆搖頭焉可度  
青衣兩畔長鬚後  
駸駸小駿山間走  
光陰猶

長渭川叟幸有雲山靜中壽大道自然斗天遊杳杳長  
庚吟天樂陶陶紫玄酒宛如對月成三人九老圖中有  
無有

謝莊顏延之吟

千里共明月彼此惟知月音信雖不聞有月難為詢對  
月祇自恨中夜還窺人姝子想無寐瞻望應數陳既然  
默默得心腑那更徐徐入庭戶因笑延之題歿為長不  
歸一息已云往寧復為歸期稚子亦自曉安用延之持

希逸辨既妄徒洩延之非兩詩寓意

闕

好雲海沈沈

杳無耗紅顏銷盡那得聞惟勝知之遇凶暴

喧犬行

禦惡不禦良守實不守空主人得犬勝高墉有堯汝喧  
喧有跖汝默默主人得犬勝幽賊犬也徐有云客犬對  
以臆犬為跖守即吠堯犬為堯守即吠跖是則庸犬而  
已矣比犬之良汝何益穿窬得間無人疑喪家之犬將  
何之

惜鷹行

兩翅一展秋雲高  
兩睛四顧秋林肅  
狐兔忽落爪距下  
肝腦須臾厭其腹  
是藝汝有固有性  
是物汝得固有命  
韝上如何寄此身  
休誇豪氣與精神  
一雉死生非所必  
有數存焉擒不獲  
主人失意未可量  
鷹也兩失而行藏  
中陵自在無由樂  
飽則翱翔饑則攫

巧蛛行

柔絲轉危簷  
結網日初卯  
條理滿腹中  
萬慮無一攬  
紀

網國政強經緯天理巧所吐勤如簇上蠶所織巧如機  
上婦婦織一尺長蠶吐一兩多輕煖之利為春和蜘蛛  
兼有蠶婦事蜘蛛獨為身腹計此勤不必為此巧不可  
施慮有無意空中飛

演山集卷五



欽定四庫全書

演山集卷六

宋 黃裳 撰

律詩

元會次宰臣之韻

風吹香信下丹霄  
遠望如雲共戴堯  
誰詣獸樽心謬謬  
獨羸經席氣飄飄  
千靈已得回春律  
萬歲何須却老椒  
弗愧陰陽開妙化  
見天方許與公調

玉皇宮殿得春朝  
冠綬紛紛百辟朝  
未見魚龍供漢戲

已聞星露入虞韶清都夢到驚華麗寒谷清回喜富饒  
付史幾多祥瑞事終隨和氣作歡譔

太極朝正小道消豈勞身勢借扶搖履新忽聽傳天語  
草故初看轉斗杓四面橫龍巖部樂兩班垂玉肅朋僚  
不教計吏空歸去雨露相隨詔五條

侍宴池上

來侍君王看物華紫微深處宴忠嘉萬年獻壽金卮酒  
百世尊王綺席花振鷺朋從靈沼濶遊鱗音耗綵絲斜

仙源此景須吟盡，留與人寰處處誇。

集英殿考試疇唱

玉皇親自策才猷，誰作靈鼇上釣鉤。  
俊思內窺天問邃，韶光中看御香浮。  
尚懷獻藝趨前列，何幸持衡綴上流。  
欲向鸞輿心未放，更須銀燭始回頭。

上臨軒策士向  
晚頌燭後起

磊落英游誤許陪，相望樓閣倚雲開。  
春風暗遞天香到，星使俄傳帝語來。  
紫府已知仙籍就，清都還逐化龍回。  
彀中喜得辭如海，不是區區小有才。

靜窺千卷喜才華不恨詩情未到花欲醉春風歸去近  
曉來新得數聲鶉

雨過春空紫泰高列星初擁絳紗袍三題天漢文章麗  
萬字秋鷹氣勢豪聊欲彎弓須尚志謾勞談律莫吹毛  
行看衫色青于草不覺南溟失素濤

紫微方夢斷燈火解嚴時日欲銜龍闕風先掃鳳池自  
憐夜氣在誰笑道冠欹豈為雲團惜消閒賴有詩

庭中  
同事

相戲不得吟詩犯者  
有罰密雲龍之約

降虜來朝次葉尚書韻

頑虜勞戎索神機屈睿謨鷹鷗臨遠帳狐兔落清都勇  
逐龍韜喪驚隨虎士趨瞻天蒙覆育塗地脫須臾即看  
宣登版何煩禹泣辜但聞多屬國五鳳似元符

次門下侍郎東省懷右丞之韻

喜看韓孟作雲龍同御天衢萬里風詩入中臺推戴敏

戴胄為左丞性  
明敏達于從政

月來東省照盧公

盧懷慎為黃門  
侍郎公清儉約

祠庭

拜貺精誠共試殿逢知學問同廣樂數聲誰敢和但疑

身在化人宮

次東閣內翰感舊之韻

二十星霜一轉頭坐間誰共昔年遊是非擾擾夢還覺  
榮謝紛紛春復秋罇俎且看圖籍府風雲方命帝王州  
金蓮花燭公歸處此更仙源最下流

青社宴遣貢士

曉來門外駐鸞聲且喜東籬後造成行執薄多窻下志  
賢能書振日邊名琴風清躍西征騎壁水寒窺上舍生

佳兆豈惟多吉士三元從古有豪英

初移郡學于城南  
已有佳兆青社昔

有蘓張王文正公  
相繼出冠天下士

### 次常父著作曝書之韻

內閣儒方集先朝事不忘曝書開綺席偃武斂牙璋籤

軸陳千古金珠萃一堂日華窺鳥迹冰豔照金觴

是日  
賜冰

已掃斷簡蠹更增東壁光士高間粹語天近覽幽香見  
博思唐庫恩新仰舜廊名山纔向曉振鷺已成行官職  
塵勞少朋從語笑長但慙甘若醴寧恨冷如漿小說誅

瀾漫雄文薦煒煌培風誰有志從此好南翔

送都鈐郭太尉

將帥門庭喜見人只看行止早堪親軍人事業離羣久  
帳下謀猷觸類新東土別懷應有恨西都歸思已無塵  
故園未許間遊日丹鳳重飛不到春

送吳中太守

華省人間去領麾出關風景正相宜唐虞民物氣和日  
吳楚江山秋靜時語接鄉音尤喜近舟行蓮渚莫嫌遲



古云循吏君知否先悟無為始有為

送袁運判赴荆湖

未果為雲逐去龍楚江行處玉涵空  
幹旋地利來天上籠絡人才入穀中  
仕路莫驚離合易貢闈猶想笑言同  
龍山便到秋還近幽興從他落帽風

陳瑩中赴定遠

秀發風神子也都想因塵果下楸櫚

楸櫚沙縣之名山有神仙寓于其上

一階道在誰窮達百里才多自卷舒  
北闕瞻言蟬靜後

東山歡笑麥寒初，便須養氣觀雙劍。豈暇回頭較一猪。

濠有莫邪山，吳王鑄劍于其上。

無事謾留工部句，有時閒落右軍書。漢

榮楚辱人休問，且聽弦歌出舊徐。

送衡州太守

幾度明庭聚，又分玉皇香。落衆中聞忽，拋桂玉泛隋水。  
便擁旌麾穿楚雲，岫嶠山高尋禹誌。蒹葭江遠憶韓文。

退之送李正字詩：人隨鴻雁少，江共蒹葭遠。

隨車多少南飛鴈，先向秋風得

使君

送表志行戶曹

十年場屋費才華，謾有詩名子可嗟。  
未入儒林升俊造，且行春雨到天家。  
遠乘澤國三秋月，高跨天河八月槎。  
道阻且長瞻不及，空吟霜露滿蒹葭。

贈呂夢得

壯年場屋便歸休，趨向逍遙獨自遊。  
貧後誰知心匪石，老來猶更氣橫秋。  
人無直道君難合，詩有清風我怕驕。  
香爇一爐經一卷，紅塵應是懶回頭。

次齊守巖老見示東湖之韻

近將餘事作東湖公外閒來物外居  
蓮吐花時看晉社  
桃隨流處得秦漁  
放懷把酒須尋友  
適性垂綸豈問魚  
報我故人三樂意  
翠珉新刻右軍書

月華西下日華東  
閃閃湖光渺渺中  
天地會通銀色界  
亭臺還合水晶宮  
披襟望處秦生白  
穿徑遊時翠引紅  
自許此生心已了  
湖山尤稱道家風

共辭蘭省作諸侯  
更領東蕃第一州  
萬事了時尋好景

兩崗盤得闕寒流

送王道原判官

言無枝葉色無塵自是中間已悟真且免此生占噩夢  
更從何處卜通津徘徊州縣諳多事荏苒江湖過幾春  
三已轉官歸吏隱蓮花池上友何人

和馮達夫小沼之什

坐間長愛水相從間鑿方池貯碧空十尺冷清雖有限  
一襟瀟洒已無窮龜魚世界東西近河漢光芒上下通

數卷芟荷時得雨恍然如在楚江中

寄五峯長老

自從南去失歸期海嶼生涯祖一支百歲塵緣誰尚在  
五峯禪老獨應知且看秋水呈十月謾寫雲山寄一詩  
邂逅有時言笑處越王臺下擁旌麾

送斛絳侍親之官

解顏而笑偶相從澄寂潭邊五載中學道南來無爾隱  
侍親西去有誰同夜歌一劍胸中氣卯酒三盃馬上風

塞北功名當黽勉自來渾厚出山東

寄鵝湖佛智長老

十年光景一回頭聞住鵝湖且六周堂上雷鳴通妙用  
鼎中龍伏得真修報恩香篆雲山曉傳法心涵水月秋  
莫笑紫元翁未去已懷煙浪作扁舟

會黃正臣

北山亭上共看書少壯相逢氣尚麤樂事每聞高義長  
病文嘗借遠煙塗樽壘且慰人離合龜鑑應知我有無

蟋蟀在堂年又晚欲邀鄉語負寒爐

雪中泛舟

雲漢雙眸冷瑤池兩漿輕六花來酒面萬霰作蓬聲虛  
實終何有高低已混成拏舟緣此景豈為戴君行

題妙光堂

獨坐夜如晝相投清與明風微塵跡悄波定月華輕此  
景方中見何人性上生涵虛難立象照物自無情寶鑑  
非鎔就靈珠乃混成忽驚居士眼一點與強名



書懷呈同志

處已心雖白逢君眼更青  
獨來還得侶相照即忘形  
用意誰無累開襟自有靈  
遞年何所樂終日醉遺經

秋雨喜霽

陽光方接物陰蔽已開闢  
水落盈虛定雲收去就閒  
菊  
花窺曉日松影撼秋山  
滯思可乘興一聯還解顏

錢塘山居早起

熟了黃梁一覺眠  
起來身在紫霄邊  
林巒已淡東傾月

旗鼓將嚴北渡船  
岑碧漸分雲外境  
陽光初動海中天  
夙興夜寐人空老  
難把塵勞綰謫仙

澄清軒

開軒何處野塘清  
靜見蒲魚作隊行  
亦似養源知物理  
始能遊刃到民情  
雖非渺渺鑑湖濶  
豈少亭亭秋月明  
多謝松一作訟庭無外事  
不教風浪此中生

拂雲軒

却塵兼却暑  
非市亦非郊  
龍孕雪中種  
鳳翻雲外梢  
蕭

蕭天外作淡淡月華交切玉歲寒味供餐無外饋

雪

雲出江天意已濃化機先下隔年功  
明吞夜後梅花月狂弄春前柳絮風  
清悟曾襟吟更逸寒驚毛骨醉還空  
漁簑歸去豈其樂相賀惟聞田舍翁

梅花

素呈天巧未教青雲釀寒時一望明  
且得少陽通好信不消孤笛送新聲  
絳綃捧藥誰粧就金粟含鬚自綴成

最是百花難比處只承風信已知名

泛湖

放船初向白公樓渺渺天光簇簇洲綠竹岸深疑士隱  
紫烟波遠恐仙遊賓朋欲散且看月風俗雖忙猶買舟  
最好四山環繞處一家中占五湖秋

偶成示道温

何當歸悟水雲鄉不必功名似子房一黍精華空色大  
百年行數古今長誰知擾擾還三得獨向冥冥遣兩忘

少室山頭星月近紫微垣下起天香

歸燕

掃迹各安在托身誰與為安危應擇主去就尚知時春  
暖語尤巧海遙歸較遲畫堂人有德可放繡簾垂

寄及之

睢陽  
學作

南飛長是夢相尋海角何妨寄好音有客交遊多草面  
無君談笑少開襟家山荔子邀誰賞澤國荷花憶共吟  
秋後西來無爽約遙郊當候馬駸駸

初秋偶作

火行金候兩猶爭，擾擾蚊蠅自未平。  
雲漏雨聲蒸地爽，日含山色暮天明。  
直須紈扇恩情斷，始向籬花意態生。  
萬里壁寒無一點，月明中看鴈初橫。

除夜呈張公實

兩年相見此宵中，萬里家山與子同。  
百歲未垂雙鬢白，六骰先獻一盆紅。  
莫嗟雪臘回頭盡，且約金卮到手空。  
過隙浮生聊自慰，明朝行樂屬春風。

客暑因書昔日山居之樂

憶昔幽居最道情  
水邊林下寄勞生  
靜眠片石無閒夢  
深入寒雲有笑聲  
壯了一心塵事滿  
別來三歲客身輕  
功成便遂歸歟興  
待與青山插一盟

演山集卷六



欽定四庫全書

演山集卷七

宋 黃裳 撰

律詩

秋暑喜雨

不害為霖僣可收，煩襟豈憚暑相投。  
水簾檻外霏霏晝，銀漢雲中點點秋。  
別館休論欹客枕，釣潭尤憶看漁舟。  
催成天色絕如壁，白酒黃花欲上樓。

試院中秋夜月

秋色中分夜金行旺氣中邇遐人望別內外桂華同澄  
澈曾經雨娉娉欲御風三人歡已斷猶鎖武成宮

貢院上元

精舍喧譁外華燈想望中管絃何處客簾幕去年風好  
斲隨塵起悲歡覆手空蟾光無內外自與此心同

還鄉有感

別來身在利名邊三十春風兩少年問勞只聞新子弟  
悲歡還見舊山川客塵况味今無念雨露情懷夙有緣

不向洞霄歸未得此官猶是地行仙

和章樞密西齋

公餘誰解憇勞生不動天機性自靈道骨對山尤更好  
夢魂聞雨易為醒謾拋芽雪歸仙鼎只把筌蹄看聖經  
還顧一源無去住雙梧惟有翠盈庭

次陳子真見別

懶散先生恐是仙幾時來上鑑湖船水雲共賞更誰可  
氣槩相投還自然憂樂未當隨外物窮通何必問他年

解顏一笑樽前話各向閒中見性天

行軒猶遠五雲溪  
烟雨霜風去魯遲  
淨眼看山應是好  
北來須乞送行詩

觀湖

吳國人從越國回  
兩舸旗鼓急相催  
悠悠二氣已交感  
隱隱一聲還到來  
銀漢風波生沆瀣  
玉龍雷雨出蓬萊  
周天安用蓮花漏  
自有潮軒與月臺

杳冥中信自輪回  
十二時行不可催  
纔迫海門三級起

忽臨沙渚二龍開水頭花雨凌空落日脚雲旗動地來  
果是尾閭虛不得却還江上一徘徊

密窺神化自陰陽雲御雷車不可當吹倒玉山風信惡  
蛟龍回首也須忙

十州基址難淪沒二淞源流且溯洄秋信最宜吳地看  
雪峯飛向越溪來

次陳殿院遊洞霄

杖履相尋為愛山來朝山盡到林巒真源立己今猶古

全宋詩卷之七  
卷七  
清氣臨人暑亦寒巖溜飛來春雨瀉洞霄歸去海鵬翻  
紫霄名位緣何事了取無中一粒丹

秋日苦雨

漫漫雲無隙紛紛道有芽久懷暘谷日空想暮天霞睡  
美夜聲碎坐寒風脚斜秋光猶未盡相望有黃花

聽隱士琴

心手相忘到混成又非湘瑟與秦箏秋來獨坐水邊石  
古往誰知絃上聲易度寸心間有味難諧羣耳淡無情

夕陽回首山猶好更起松風一段清

送翟司業赴南康

烏臺章疏風霜勁辟水詩書日用間萬事自來如義命  
一麾誰去得湖山嘗聞訟少公庭下但見閒多宴坐間  
明月幾時隨太守香爐峯下看禪還

國子先生行最淳紅顏猶足照青春神仙廬下分符遠

父老鄉中衣錦新

得旨  
焚黃

畫舸欲飛初得雨煩襟如洗乍

離塵從來官職清于水好為江山作主人

子久歷官教  
授博士殿院

疇友人見寄

纔得新詩寫我憂  
荆溪何日與君遊  
久為江國三年客  
長憶仙公一洞秋  
共有幽懷堪把手  
誰無忙事且回頭  
忽乘清興拏舟去  
准擬香牋作唱疇

寄題溪堂

華堂深在翠微間  
澗灑波光照客顏  
歸隱輸君塵外樂  
留題偷我日邊閒  
心忘機後鷗相識  
日落山時鶴自還



小艇得魚無事了，歌聲移向荻花灣。

送柴伯通歸衢梁

晚入荷華一葉香，羨君歸興滿仙鄉。他年上國來須早，  
今夜中秋別太忙。雖厭風波同客路，已憐松柏共秋霜。  
東來傳舍無多地，勤寄新詩莫我忘。

寄清退君章夫人

故人閒適地，行仙林下邀。誰共暮年把酒，應思天際客。  
登樓俄上水南船。清退樓在州之溪南懶看小吏呈朝報，靜聽高

僧說世緣華髮未輸頭上白更期攜手劍溪邊

春日喜晴

天意分明人意開便聞歌管上春臺綠堤風暖投衫袖  
紅檻花光落酒盃雲結陰容俄散去蝶驚晴影旋飛來  
芳菲猶在無多日倚取韶光作醉媒

寄王之道

蘭陵為別又多時花月妖中想見幾鄉國可憐猶間隔  
客途何故更分飛身邊無事樂雖樂堂上有親歸未歸

欲寄新文將遠信尚須勤苦到精微

長樂宴遣貢士

賢能書扣九天門安用區區更問津周室笙歌聲調古  
孔庭詩禮指歸新吟窺清壁還為侶笑謝寒齋已作賓  
烝我時髦尤利市使君元是奪標人

遊開平書貽佛智長老

訪我京華歲已深化龍潭畔却相尋是空是色休排色  
非佛非心且洗心南望自生江上月西歸誰了水中金

洞霄人去寧無夢多在蓮池與竹林

寄表思與

京華為別各蹉跎猶幸相逢笑與歌風雅長言先進少  
遊從高義故人多雖知塵境先忘累尤念玄宮未處和  
我處其一而守其和是以行欲超然無一事便當求我  
千二百歲而吾形未嘗衰

向煙蘿

與南京留守

裳昔年見公于雪上已辱獎借睽遠誨言今十餘

年矣邂逅舟過屬下得見顏色喜不自禁輒書四  
韻奉呈少叙區區之萬一

澤國旌麾十幾秋一封曾去辱青眸吹噓寸草風猶在  
倚傍長松夢未休借取謾勞閩士論召還聊寄宋王州  
宿源洞裏南湖上似得雙溪有樂不

南京有南湖亭湖  
有茗雲福唐有宿

猿  
洞

中和堂見雙蓮呈張內翰

兩萼雙房並一枝誰家姝子上西池鵲橋牛女共遊夜

湘浦皇英相會時  
曉鑑鬪粧肩  
笑倚秋林同賞步  
慵移行看閣老重歸去  
花獨來迎此可知

次大野雙源水閣

長為雙源夢  
舊遊西風吹動白蘋秋  
得君昨日數聯景  
寫我此懷無限愁  
但看清虛堪寄足  
豈須衰老始抽頭  
小漁船上好相訪  
烟雨中乘丁字流

龍津號  
丁字流

送陳子真

木笏青衫便染塵  
久思風骨始知真  
有無悟道何妨仕

俯仰趨時只為貧，靜向畫圖看五驥。急來華省侍雙親。

茶園送客詩猶在，空恨芳樽失故人。

子真昔號懶散長中寬袖有不復仕

之意一日青衫木笏得于內庭認其風骨久之

拙翁甘與他臺庶，只此勞生想自占。人我是非雙累重，古今榮辱一塵纖。便遊澤國尋鱸市，忽落仙帆傍酒帘。案上簿書看得未，養真當有智隨恬。

### 感舊書呈彭城太守

屈指朋從共愴神，不知原上幾回春。

昔偕舜俞郎中聯事太學同舍十有

五人至今二十年惟裳與舜俞朱世英三人在爾靜緣  
餘不逮五十與舜俞談及此愴然久之故有是句  
老去忘餘事樂自閒來得故人雲日雖牽琳館夢旌麾  
聊慰雪窻身老彭樓下人安在千古都歸一笑頓

觀菊

盈盈金色帶秋光  
淡淡仙粧只看黃  
嘗共故人休獨樂  
笑同今日更誰忙  
方嗟老取年華近  
尚喜花留日數長  
為掇繁英還為撚  
莫辜纖素在君傍

贈葛侍郎



三品顯官知分退，數株靈草對春栽。已馳吏政青編上，却御仙風紫府來。琴寫幽懷心火息，酒陶和氣面花開。應憐仕路多華髮，不把松雲為已催。

自警

一日少一日，一年無一年。頭門何處入，秘旨有誰傳。憂樂波生水，光陰箭去絃。幾時能得了，坐卧莫忘禪。

贈張山人

極數幽人百尺松，歲寒枝節引清風。世途險易拋身外，

人事榮枯落掌中藥有靈根秋轉活面多和氣老猶紅  
行人借問生前事何事天津久未通

贈傅神師

闕下遊多日溪邊過幾春數圖人欲活一筆自如神不  
寫俗中態漫留雲外身丹青如摸我道貌似山人

對菊閒飲

良辰惟有菊前盃十五蟾光已看回白蟻醱醅涼後熟  
黃金菩薩夜來開休悲往古事何在且樂去年時復來

好是夕陽須管醉花叢中放玉山頽

題南華洞

數卷真經學兩忘何須疑蝶更疑莊水雲生計不知老  
詩酒光陰無限長何處猿聲殘客夢有時風信漏天香  
鍾山不愧移文士信步尋幽到草堂

江下山居

不卜西湖卜此山江天方作洞天寒海門有信蓬萊近  
丹室无塵宇宙寬一箭昔人曾却浪五雲何日便驂鸞

小橋流水通幽境，休向朋賓說內觀。

所居之山由鳳凰山而至故云

信步

閒適無他事，優遊有此身。  
禽魚窺物性，草木露天真。  
靜味祇獨覺，幽香還自陳。  
行雲難問信，流水莫知因。  
漁父偶相值，笑談猶及秦。

寄梅承事

滄浪風綰鴨頭波，中有高人養太和。  
恠石換金清興遠，華堂收佛善緣多。  
花街山院青春醉，玉管雲牋白雪歌。

未信閒名羈絆得試教衫色綠如何

一本作荷

### 東山三題

定慧長老為二亭一軒一瞰湖上來請名予取釋  
氏之說以命之蓮之為物雖出于污泥然其根實  
虛白上為花葉不可埋沒不染不著人云來處雖  
猶污泥然其根性本無一物發為德行蓋亦如是  
故北亭曰觀蓮夫水之有月猶人心之有性水清  
而靜則月現人心清而靜則性現故中亭曰現月

由軒而下旁趨桃溪古人有見桃花而悟者故東  
軒曰悟桃叙既復為三賦以遺之

觀蓮亭

青泥藏化育紅粉看芬芳照水有餘態乘風無限香晚  
來花獨盛暑後雨聲涼不著故不染走盤珠自忙

現月亭

一月滅私照萬水生餘光成道果有性應物元無方對  
景妄想斷凭高  
清夜長超然養源士豈徒愛瀟湘

悟桃軒

中無城市埃下有桃溪源灼灼發獨見冥冥從混元俄  
忽遂出世喜躍聊開樽且共衆人看迷悟休復論

簡叔文

與叔文別且十餘載一日  
偶揖于僧舍滿髯皆白

屈指當時宴笑同已更三十五春風十年忽忽成今古  
萬事悠悠作色空別後每懷青眼客坐間俄揖白髯翁  
蘭亭咫尺歸歟好當悟浮生似轉蓬

演山集卷七



欽定四庫全書

演山集卷八

宋 黃裳 撰

律詩

寄題范氏六桂堂

榮到蟾宮父子同，滿堂天秀望仙峯。  
六枝已勝燕山桂，八子須攀潁水龍。  
風信動人香遠，遠月華垂地影重重。  
餘芳更有成林日，行見君家萬里封。

公于所居之側為  
桂林基以俟諸孫

聞鴈

露下多時鴈未鳴  
數聲雲外此宵征  
北人書到三秋盡  
南國弓閒一字橫  
孤館有誰驚  
好夢平蘆何處起  
寒更想應俎上終須免  
宜向方塘寄此生

大暑

輕輕絲葛汗如蒸  
空有雲雷未見靈  
安得此生長不老  
豈能今日便忘形  
謾搖紈扇終嫌倦  
欲倒金壘却恐醒  
赤脚踏冰疑未穩  
且休林下泛清泠

山堂有作

煙籠雲鎖幾千年流俗尋山豈得先一水中分吳越界  
四峯前臥漢唐仙間遊東徑窺青海偶往西源翫白蓮  
却省內遊還有感杖藜獨立夕陽天

題愛竹軒

北堂人去竹成陰手澤須看碧玉林清賞共嫌無一日  
孝思今喜有千尋滿窻金鎖日華永遍地龍孫春意深  
寄語嬋娟多結實幾時當聽鳳凰吟

除夜

守歲飲須頻光陰又再春漏移中夜刻身是去年人天  
色收殘臘人心息舊塵東風新我意相得向雞晨

楊立之南歸

五月雙艫偶共行開懷尤喜暑風清  
亨途事業心猶壯細字詩書眼更明  
家有青山應可樂首無黃髮未須驚  
相期一醉無他景九十西風菊萬莖

南樓有作呈仲矩舍人

莫言風物是窮邊塞北江南此果然  
蒼壁下粘芳草地

垂楊中臥碧塘天人吟夜月波中笛客醉秋荷雨後筵  
來候朔音棲處好夢常捫斗過幽燕

秋夜

百蟲將入蟄一氣已歸根今古在還去光陰朝又昏莫  
隨塵袞袞須悟性存存誰得逍遙趣南鵬是北鯤

送李季益龍圖

浮遊塵世未還元偶會琳宮兩地仙行止義明嘗得已  
修持仁靜可忘年笑談客去吳無侶惠愛人來楚有緣

公外詩筒當見寄為乘佳興益新編

清勝亭

靈源來處亂雲深回抱華亭愜我吟  
窺影冷光天上面入懷清氣水中心  
橋頭月到人攜榼蘋末風來客解襟  
秣馬臺前聊遣興寸陰何惜與登臨

歲暮偶成

新舊光陰各自催分年須折送年梅  
歡聲動地驅儼鼓厚意迎春獻壽杯  
誰似江山難得老人憐桃李又重開

朱顏未遂花前計，却恨東風抵死來。

贈致政葛侍郎

金帶慵腰便退居，高閒吟思滿江湖。  
一頭黃髮真元老，兩郡朱幡更大夫。  
世事榮枯閒似夢，道經舒卷靜如愚。  
延平遺愛今猶在，一片棠陰入畫圖。

九日遊堯山

誰見東巡駐六龍，秋山留與醉吟翁。  
人非物是紛華外，古往今來想望中。  
雲日萬年興素節，士民千里鬧晴空。

黃花盈首猶教揜一笑從他落帽風

贈張太保

赫赫家聲將帥官仕途寧肯放君閒不妨林下權尋藥  
未可雲中便買山五兩輕綸猶系命滿樽清醕且開顏  
天涯之子誰為樂何幸相逢一笑間

除夜代送倪簽判

北風吹雪抹潮頭待過東南第一州去客情生來客夢  
隔年燈照隔江愁玉皇謫吏行當復金闕除書即便收



言簡氣清終有用臥龍山下自難留

觀遊山記感舊寄霍子侔

故園別後有餘念舊記重看無限情  
山倚日中支暑氣  
水從雲外落秋聲  
向前世務心猶壯  
憶昔溪居眼自明  
攜手逸民今在否  
盃茶誰與話平生

再寄及之

眼凌霄漢氣橫秋未壯  
吾年似白頭  
病態問人皆笑老  
壯圖何處始知休  
還因往事悲  
今事難得新遊  
比舊遊

雪水越溪風信好尺書多幸屢相投

別後新寒有勁風不親談笑轉乖慵一行塞鴈來多日  
萬里鄉書得幾封閒憶蘭陵還自笑願遊茗水更相從  
與君踈闊誰堪愛閱古堂前樹樹松

會友人飲

曾共螢窻得夜光別來聲問在周行未搖丹管醅詩史  
且遣青娥巧樂章巧笑莫嫌留客數幽懷須信到官忙  
樽前邂逅知多少更對春風舞一場

送方子元赴固始

九卿遺俗各尋宗君自南來喜更濃

固始諸姓避唐李亂隨王潮歸閩中

故云無類已聞詩禮教有行還守子男封胷中道在何嫌

酒絃上聲清只愛松

用劉元明子賤故事

行聽老農無一累曉炊

如玉稻新春

送林君錫宣德

最喜君來寫我憂羣情忙處獨抽頭功名機會須時可  
詩酒光陰屬自由醉度九秋江上舫食遊雙筍海邊州

兩年官滿休瞻望且與磨鉛了校讐

送仲時南歸

壯志九年人事足奇書十卷客囊空

仲時獻策皇帝留京師九年市古書

十餘篋而歸

窮通自在身謀外取舍誰堪士論中休歎監車

千里驥且誇天漢一帆風忙拖雙履雲邊興更與何人

作醉翁

與子侔始會于常學後為禮部同官感舊

始觀文彩慕聲名三十餘年夢可驚真幻自從窺至理

是非誰復較浮榮別來方策迷情斷老去園林逸思生  
叙舊幽軒時一笑更宜茶鼎作蠅聲

靈壁遊張學士園

休說行行且與吟道山官職舊園林石疑六醜默難問  
竹類七賢閒可尋翠引賓朋三徑遠寒生涯澗一池深  
隋河堤上人空老誰為蘭皋惜寸陰

蘭皋張園  
之奇石

謝人示詩集

騷雅先生得古風恨無吟侶忽相逢欲陪大巧搜春景

已買長毫插筆鋒花下比關歌帝力醉中聯句頌花容  
斐然小子多詩癖時遣青衣寄一封

寄陳充道

性纔圓了便相逢對面還如一鏡中共取醉時聊遣興  
兩忘言處便歸空紛紛綠髮何妨白擾擾黃塵謾自紅  
松竹滿林先我去笑談誰起坐間風

頤堂

晚年塵事少閒境道情多汗簡知千古靈龜見一毫更

尋何處樂休訟此生勞名利雖然好誰瞻數仞高

送鄭少府延平教授

上舍聲華太學生青衫從我薛齊城神仙官職去期遠

詩禮門庭歸思清山展旌旗秋可樂

延平山勢排空有展旌旗之狀劍

驅風雨夜休驚

延平潭上時有風雷三岸謹呼以為劍歸

故鄉夢想今猶在

此景何年慰此情

長樂閒賦

行盡溪山到海邊合沙門外見平田潭潭清世元侯宅

杳杳真人小洞天萬戶管絃春買酒三山鐘鼓曉參禪  
旌旄纔上南臺路方記詩篇落在先

昔寄五峯詩云他日南來言笑處釣

龍臺下  
擁旌旄

二百餘人領此州去思誰更有碑樓浮名浮利果何在  
潮去潮來空自流照萬事時惟是道賞三山處最宜秋  
使君籍上尋同姓只許旌旄獨自遊

自晉太康至吳越錢氏為此州者二

百四十六人皇宋  
十有八獨無宗姓

越王峯下小棠堂

一作

深秋入三山未暇尋兩造盈庭真



與偽紫元堂上本無心

七樓遙直釣龍臺  
榕曳橫枝庇兩階  
好是四州南下水  
却隨潮信入城來

五十年前夢此遊  
已云持節豈能休  
悠悠封域連東海  
浩浩朝宗接上州  
五季侯王時事古  
九還仙子洞天秋  
閒行嬾被朱衣覺  
密往西堂獨倚樓

地係東南一角垂  
百川夢處勢隨堤  
滿帆風力人航海  
七日遊吳尚說遲

旁統七州連帥府中分三壤屬僧家荔枝獨作閩山秀  
宜與龍團一處誇

歲華猶煖山藏翠客起還留海獻鮮風雅可憐元太守

一生魂夢已茫然

元公詩云一生  
魂夢繞三山

方壺圓嶠飛來處北越南蕃望斷時莫道長安天樣遠  
一輪初上已先知

周回禪刹望巖城雲弄遙琴一寸青眼在簿書心在道  
何妨尋我到山亭

秋日有感

清生明爽靜生悲羣動相將却入機物向本根成既老  
鴈知時節去還歸山人邀飲酒初熟漁叟獻鮮鱸正肥  
莫管世情都掃盡閒來林下看秋輝

和寄麻城饒令

應向公餘飽看山絃歌安用智閒閒有為百里人同樂  
無累三神我獨閒雖隔春風長在想尚期嘉什屢蒙頌  
近來與物低昂少多是聰明落靜關

白蓮閣

白蓮池上閣崢嶸萬朶西風滿社清已寓漣漪呈皓質  
何妨污潦得浮生羅桴翠蓋秋陽盛玉琢香腮曉鑑明  
空色從來無辨處此詩非獨為花成

寄題明舍

明舍義方立深宮文藝成詩書盈篋重金玉滿堂輕天  
漢一枝峻秋風雙桂榮羨君能自樂在處有蓬瀛

藤杖

一技能獨立三徑漫相隨  
閒逐人行止先知路險夷  
倚憑吟望久將飲醉歸  
遲攜到遙林下尤宜倒接巵

寄蕭思遠

自能騰踏到天衢  
少壯為龍卷未舒  
案上不留生熟事

篋中便有古今書

思遠性喜收古今書少孤有志于學不俟父兄之教

高吟應愜

新移命幽夢還尋舊隱居

思遠昔年讀書于南國山中今為丹陽有移錢塘之命

須道守官誰似我  
長來湖上得清虛

昔為湖州縣丞次丹陽有練光湖今

移錢塘又得西湖之景

寄湖江二十四叔

小宗纔廢各西東，懷想湖江夢寐中。  
受祖生涯君獨異，起家身計有誰同。  
客遊何事千山遠，族燕還悲一位空。  
期約明年來侍側，青衫滿滿桂花風。

此詩于庚申之歲有失于傳，壬戌登

第還鄉復書獻

表海亭

大老悠悠不嗣音，高風難向望中尋。  
三千賓客空離合，十二山河自古今。  
北戶人歸雲洞遠，

見太平廣記

東方春入

牡丹深


青春之方牡丹特異于他處

兩辭遣興無他好只有閒來醉

與吟

社日遊雲門山

不須扶我自登山脚力能勝十八盤一字鴈低頭上過  
兩城人細掌中看雖知比戶緣尤在却笑南柯夢未闌  
忽見歸雲應是信滿襟先得洞天寒



演山集卷八